

www.BibleForChildren.org

Mataayo 26



Hano cheere
chisaaghiri chaasiko
ishaasabhe anyangi
e Bhaasaka ehike, Yesu
akahika wiiki Bhetaniya
ahaghiro hano Rasaaro
amanyiri uno Yesu
aryokiri koru mo-bhaku.




Niho Mariyamu
akiimoki achubha
e maghuta gha riighori
ikoro gha keneeso
ghichömu, akamuhaka
Yesu mo-maghoru,
akamusangura na
chanchweri cheeche.
Anyumba ingima
eghiichora ekeneeso
ke maghuta ghayo.




Niho Yuuta Isikariyooto, umu o bhaanabheegha
bha Yesu bhaare ikomi na bhabhere,
aghaye mo-bhakoro bha
bhachaama kubha
amwigharurani Yesu,
abhëërëki anchëra
e komughööta.




Hano bhooghwire amang'ana ghayo, bhaghachömëru
chwee, bhaghiishererani nawe komuha chambiiri.
Niho Yuuta aghasëëma
ghutabhara omweya
omuchömu o
komwigharurani Yesu.



Abhaanabheegha bhayo bhaaghaye
na ghuköra ghoose kebhuno Yesu
abharagheriiri, bhaghasëëma
ebhiinyakurë bhe Bhaasaka.
Hano bhaare mo-ndaaghëra,
Yesu akiimoki omughaate,
aghiitabheri Eryobha, akawosuura,
akabhaha abhaanabheegha bhaache,
akabhabhoorera akabhugha,
"Mwimoki mori,
uno niwe
omobhere
waane."



Akiimoki ne eghisënchö ke divaayi,
aghiitabheri Eryobha, akabhaha,
akabhabhoorera akabhugha,
"Mwimoki monyo adivaayi ino
inyu bhoose. Adivaayi iyo, nigho
amasaahë ghaane gha riiraghano.
Amasaahë ghaane ngaghwitëka
gho ghiri e bhaato bhaaru, kubha
Eryobha rebhaabhërë
amasari ghaabho."



Yesu akabhugha, "Oo Simiyooni, oo Simiyooni! Mööhi,
Erishambu ndëköbhëenda, ribhönë kobhahonga
inyu bhoose kinya bhahaahonga angano. Amare,
neghusabhiire kwo Waryobha, kubha otakindu
mo-bhokumi bhoocho. Na hano okubha ungarökiire,
obhatoore changuru
abhaghëndi bhaacho."



Simiyooni akamugharokeri akabhugha, "Oo Omutëmi
wiito! Eni niisheriiiri ghuye kubhöhu haghirohamu na
niiye mwithërëcha. Koru ghwitu, niisheriiiri ghoku!"
Yesu akamugharokeri akabhugha, "Oo Bheetero!
^Neghakobhoorera kubha reero
ino asërëëcha ekeere
ghughamba, nookubha
onyangiri ghatato."



Akamara Yesu aghaye
na abhaanabheegha
bhaache mo-kinyaweera
kino ghekobherekeru
Ghetesemaani,
akabhabhoorera akabhugha,
"Mwikare singa hano, eni
neeghuye iyo ghusabha
Eryobha." Akabhugha
kubha, "Taata, ghokoocho
ghoose ngaakubha.
^Neghaghusabha onduuseri
eghisänchö kino ke nyaako.
Taanyi kinya eni nekwända,
amare ukörë kinya iye okwända."



Mbe, Yuuta akarikangata erikinda re bhaashirikare,
haghirohamu na abhatamishi bhano bharuure
mo-bhakoro bha bhachaama na kwo
Mabharisaayo. Bhaaghaye mo-kinyaweera
kiire, bhaghöötëriire ebhemore ne
emyenge, ne ebhiröönëro.
Hayo hayo, umu o bhayo
akamunyëra omusësë o
Muchaama Omokoro ne
ekinyamiino, akamonunga
oghotu gho kwiro, to.
Yesu akabhugha, "Motighe
^haghiisha!" Aghaturi oghotu
kwo mutamishi uyo, aghakuhöri.



Hayo hayo, abhachongi bha Risengero bhakamughoota
Yesu, bhakamohira awaache Omuchaama Omokoro.
Bheetero akabharu anyuma
gho kure. Hano abhaato
bhahikiri mo-riigho re
nyumba e muchaama,
bhakahemba-ho
omororo bhaghiikara
ghwata. Bheetero
woose, akaacha
aghiikara ghate
yaabho.



Amare umu o bhasësë
bha Muchaama Omokoro
uno are omohiiri o
mooto uno Bheetero
anyëriri oghotu,
akamobhoori akabhugha,
"Kana, eni nteekorooche
eriibhagha onyi haghirohamu
na Yesu mo-kinyaweera?"
Bheetero akaanga wiiki
akabhugha, "Taanyi eni." Hayo
hayo, asërëëcha eghaghamba.
Hayo hayo, akahoroka anche
na ghusëëma korera kwo
bhororo chwee.



Bhakamara, abhakangati
bhayo bhoose bhakiimeerera,
bhakamohira Yesu o-Bhiraato.
Niho, Bhiraato akamobhoori
Yesu akabhugha,
"Kana, iye niiye
uno bhakobhugha,
Omutëmi o Bhayahuuti?"
Yesu nawe akabhugha,


"N-iye obhughiri!"




Bhiraato, naare arëenda
komotighooroka Yesu, aghaye
wiiki ghosiikëra na abhaato
bhayo. Amare ibho
bhakahënërëra
ghuköra eriireghe
bharabhugha,
"Mumambe!
Mumambe!"



Mbe, antenero Bhiraato akamuhaana
Yesu kubha amambu mo-musarabha.
Mbe, abhaashirikare bhakamwimoki
Yesu na ghuye nawe. Akaru mo-moghya
aghëghiri omusarabha waache, aghaye
ahaghiro hano hakobherekeru gho
Kebhuraaniya, "Ghorighööta,"
egheteemoro keeche Ahaghiro
ha Kehoore ke Mutu.



Hano bhahikiri hayo, bhakamumamba
Yesu mo-musarabha. Ahaghiro hayo
mbaare-ho abhaato abhande
bhabhere bhano
: bhaamamburu
mo-misarabha
haghirohamu
nawe, umu
eribhaara re
kwiro no owonde
eribhaara re kumosi.




Hano rehikiri eriibhagha re chaasa ishaasabhe che
mwishe, ase yoose ekang'uuri mbagha hano ehikiri
mo-chaasa kende, eryobha reghatigha kurëngaari.


Omwando uno ore oteniini

Mwisëngëro oribhiri

Ahaghiro Ahatööbhiyu ha
Hatööbhiyu, oghachaaruka
ghateghate amabhaara
abhere.



Yesu aghakuura kwo riiraka ikoro akabhugha, "Oo Taata! Akörö yaane ^nekayetoora mo-mabhökö ghaacho." Hano amariri kobhugha ghayo, aghatena akörö.



Hano ehikiri omughörööbha, gho
kubha orosiko ruyo ndoore
orosiko ro ghwisëëmi gho
ghiri e Riikane, akaacha
omooto umu uno are
arabherekeru
Yusubhu, omwikari
o mo-moghya o
Arimataaya.

Naare umu o
riibharacha eriikoro
re Abhayahuuti, na
naare arasooku
chwee. Iwe naare
ariitëng'ëra kuucha
kwo bhutëmi bho
Ryobha.



Uyo aghaye o-Bhiraato kwo
bhosubhesubhe, akamusabha
amuhë erihundughu re Yesu.
Niho Yusubhu aghaghora
asanda e ghitani. Aghaye
hayo mo-musarabha,
aghiiki haase
erihundughu re
Yesu, akarinaareri
asanda
iyo.


Akaryeka
erihundughu
riire mo-mbeehera
ino : etukuru mwitare,
akahiringiti eriibhohe
ikoro na kohunya
mo-ghisëku ke
mbeehera iyo.




Orosiko ro kabhere ndoore orosiko
ro Riikane, abhakoro
bha bhachaama na
Amabharisaayo
bhaghiikomana
o-Bhiraato.




Bhakamobhoorera bhakabhugha,
"Oo omutemi, tokahiita kubha
omuröngö wuure hano
are akeere muhöru,
:naasiikiire akabhugha,
'Mo-rosiko ro
ghatato, nekoryoka
koru mo-bhaku.'"



Niho bhaaghaye mo-mbeehera,
bhaghatoora eking'öchö
ke mohuuri mo-riibhohe
kubha bhatore kumënya
aribha omooto ichiri
akarehiringiti.




Bhakamara abhakangati
bhayo, bhakabhatigha
abhaashirikare bhayo
hayo, kubha bhachonge
ambeehera.




Mbe, orosiko ro Riikane hano
rohetiri, atabhoori mo-rung'öörö
orosiko ro Chumabhiiri,
Mariyamu o koru
mo-moghya o Maghitara
haghirohamu na
Mariyamu owonde
bhaaghaye
kumööhi

ambeehera
yiire. Mööhi,
hakarwera
omorighito
mokoro o se.



Marayika o Mutëmi aghiika
koru Mwishaaro, aghaye
mo-mbeehera, akarehiringiti
eriibhohe riire rubhareka
na koriikarera. Hano
abhaashirikare
bhagharooche
ghayo,


bhaghatiina
chwee na kubha
kinya bhano
bhakuure.




Hayo marayika uyo akabhabhoorera
abhakari bhayo akabhugha,
"Motatiina! Nyeeche
kubha mwichiri
komutabhara Yesu
uno bhamumambiri
mo-musarabha."




"Taanyi hano, naryokiibhu koru
mo-bhaku kinya bhuno are
abhabhooriire. Muuche
morighi hano bhaare
bhamuraariri."



Niho abhakari bhayo bhaghatanura
bhwango koru mo-mbeehera kwo
haho na ghuchömëru ghokoro.
Bhakayaara ghuye kobhaha
amang'ana abhaanabheegha
bha Yesu ghano marayika
: abhabhooriire.



Mbe, hano bhaare bharaghe
kobhabhoorera, mööhi,
Yesu aghatëmëërana nabho,
akabhabhoorera akabhugha,
"Nekobhakëëri!" Mbe, abhakari
bhayo bhakamwishukerera
Yesu, bhakamusëngëra gho
nchëra e ghughööta



amaghoru ghaache.





Antenero, Yesu ^akabharwera abhaanabheegha
bhaache ikomi na umwa, hano bhaare haghirohamu,
bhararaaghëra. Akabhahiinya gho ghiri e bhuköng'u
bho metema gheebho, gho kubha :mbaangiri
ghoghakumi amang'ana gha bhaghëndi bhaabho bhano
bhamorooche Yesu hano :aryokiibhu mo-bhaku.
Hano Omutëmi Yesu amariri ghosiikëra nabho,
Eryobha rekamwimoki rekamohiki Mwishaaro.
Aghiikara eribhaara re kwiro re Ryobha.



Mbe, gho
kubha Eryobha
:ndeebhasiighiri abhaato bhoose bha
mo-se ino, koru rekamoruusi Omoona
waache omwene chiri, kubha omooto
wowoose uno akomokumi
atarumëëra, amare abhe no
obhuhöru bho miishe
ghyose.



Abharuumi 3:23

gho kubha abhaato bhoose mbaköriri amasari ne
eriimanya reebho retaakwërëki obhokumi obhokoro
bho Ryobha.

Abharuumi 6:23

Omooto wowoose uno anyi omusësë o masari, amareho
ghaache n-oroko ro miishe ghyose. Amare itu, Eryobha
ndeghotuha obhuhöru bho miishe ghyose. Obhuhöru
bhuyo taanyi amareho, amare n-atuho ino
toghosong'aana kohetera Kirisito Yesu, Omutëmi wiito.

Abheebhuraaniya 9:27

Omooto woose nahaaku mara rimu hang'u, aramara
ghoku, Eryobha remotenera ekiina.



Abhaebheeso 2:8,9

Mbe, hang'u nibhu aghareeya e Ryobha ebhatooriri, gho nchëra e komokumi Yesu Kirisito. Obhotoori bhuyo bhotabhönëkiri gho ghwiköng'i koonyu, Eryobha niryo retoheere kinya atuho. Tabhatooriri kwo maköri ghaanyu, omoto wowoose ataacha kwihacha.

Abharuumi 10:9,10

Ang'ana iyo n-kubha, orasiikëra koru mo-monu waacho iye omwene kubha, "Yesu n-Omutëmi," na ghokumi mo-motema waacho kubha Eryobha : ndeemoryokiri koru mo-bhaku, noghotooribhu ne Eryobha. Omoto aramokumi Yesu Kirisito mo-motema waache, niho akubhareru kubha naanyi no obhuhëënë ambërë e Ryobha. Ariishereri komokumi kwo monu waache, niho aghotooribhu.



Yohana 3:16,17 Mbe, gho kubha Eryobha
: ndeebhasiighiri abhaato bhoose bha mo-se ino, koru
rekamoruusi Omoona waache omwene chiri, kubha
omoto wowoose uno akomokumi atarumëëra, amare
abhe no obhuhöru bho miishe ghyose. Eryobha
retaamotomiri Omoona waache kubha atenere abhaato
ekiina, amare abhaato bhatooribhu gho kohetera iwe.

1 Yohana 5:11-13 Obhuhëënë bhuyo nibho bhuno,
Eryobha ndetoheere obhuhöru bho miishe ghyose.
Obhuhöru bhuyo ntokobhubhöna gho nchëra e ghokumi
Omoona waache. Wowoose uno anyi no obhumu no
Omoona o Ryobha, naanyi no obhuhöru bhuyo. Amare uno
ataanyi no obhumu no Omoona o Ryobha, tabhughöötë
obhuhöru bhuyo. ^Nekabhaandëkëra amang'ana ghayo,
inyu bhano moghokumi Omoona o Ryobha, kubha
mumënyë moonyi no obhuhöru bho miishe ghyose.



Mataayo 26-28; Ruuka 22-24; Yohana 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Ikoma-Nata-Isenye Bible (ntk) © 2022 Wycliffe Bible
Translators, Inc. All rights reserved

<https://live.bible.is/bible/NTKWYI/MAT/1>

©2026 Bible for Children, Inc.

www.M1914.org

www.bibleforchildren.org

